

金匱要略編注

張仲景金匱要略卷六

高李步勇注曰南浦編註

血痺

血痺痺痛何得之師曰夫尊榮人骨弱肌膚盛  
重因疲勞汗出臥不時動搖加被微風遂得之但以  
新自微熾守口關上微尺中小紫宜鍼引湯氣令  
脈和驟去則愈

此辨血痺之由而示鍼法也靈樞曰病在陰者命  
曰痺此風邪痺着於管故爲血痺蓋大尊榮人膏  
梁之體素習安閒不勞筋骨膂力不出爲骨弱肌

全... 卷... 一  
膚盛而氣弱陰強，重因疲勞傷力，或房勞汗出，衛氣疎怯，或臥露體軀，衛虛行陰，失護風邪乘入，謂臥不時動搖，加被微風，得之如漏肩風之類，乃邪入於血也。但氣虛則脈微，血痺則脈濇，氣虛血痺，故微濇之脈見於寸口。關上微者，乃陽氣微而不入於陰，陰邪居下，所以脈見尺中小緊，乃邪痺營而不痺於衛也。故宜鍼引陽氣入陰，陰得陽和，痺痺着通，而脈和緊去，則愈。

血痺陰陽俱微，寸口關上微，尺中小緊，外證身體不仁，如風痺狀，黃芪桂枝五物湯主之。

此血痺脈證而兼出方也。血痺乃陰陽營衛俱微，邪入血分而成血痺。中上二焦陽微，所以寸口關上脈亦見微微。邪下連營，血主病，故尺中小緊。是因氣虛受邪而成血痺。然因血痺則氣不獨行於周身，故外證則身體不仁。如風痺狀，經謂臥出而風吹之，血凝於膚者爲痺，是也。用桂芍薑棗調和營衛而宣陽氣。雖然邪痺於血實，因表陽失護而受邪致痺，故以黃芪補其衛外之陽，陰陽平補，俾微邪去而痺自開矣。

黃芪桂枝五物湯

黃芪

三兩

芍藥

三兩

桂枝

三兩

生薑

六兩

大棗

十二枚

右五味以水六升煮取二升溫服七合日三服

虛勞

夫男子平人脈大為勞極虛亦為勞

此概言男子虛勞之脈也謂男子無外感六淫之病而為平人勞者由勞傷氣血內損所致之病然勞有氣血之辨若偏勞於氣則元氣不攝氣亂化火而脈大或勞營血故脈空虛而極虛矣然脈大與空虛乃言陰陽氣血虛之兩大法門後出孔遲

動微緊脈是互五臟氣血虛實寒熱之謂也。

男子面色薄者主渴及亡血卒喘悸脈浮者裏虛也。此觀氣色而互脈證也。色乃神之旗，營衛之標。若面色薄者是白而嬌嫩無神，乃氣虛不統營血於面也。然陰血虛而陽氣則盛，虛火上僭，津液不充，則渴氣傷而不攝血，則亡血虛。陽上逆衝肺卒喘，心營虛而真氣不斂，則悸血虛，則脈浮矣。由臟腑精血不足所致，故爲裏虛。

男子脈虛沉弦，無寒熱短氣裏急，小便不利，面色白，時目瞑，兼少腹滿，此爲勞使之然。

此虛勞偏於陰也。虛勞之脈，毋論浮沈遲數，必現虛而無力。故冠虛字爲首。下出孔遲動微紫，乃以心肺肝脾腎陰陽寒熱之分耳。然血虛則脈虛，氣鬱化火熱收於內，則脈沈弦是屬陰虛而兼以陰血虛而言之。謂脈虛沈弦也。陰火內鬱，外無寒熱，但逆上衝而刑肺金，則短氣衝脈受傷，則裏急然衝脈逆，則膀胱氣化亦逆，故小便不利，營氣不充，面色白而無神矣。肝腎虛火，潛於內，故日瞑目瞑者，乃內火熾旺而羞外明。上衝清道，血熱妄行，則動肝腎虛而元陽亦損，腎樞不得開闔，故小腹滿。

此皆勞精氣所致爲勞使之然  
勞之爲病其脈浮大手足煩春夏劇秋冬差陰寒精  
自出瘦削不能行

第一條脈大爲勞槩言虛也此加浮字  
陽熯之脈也蓋手心勞宮穴屬心包絡經相火所  
司足心湧泉穴屬足少陰腎經而腎爲精血之主  
若勞之爲病精血必虛陰精虛而心相熾盛故脈  
浮大火熱臨脾浮越四肢則手足煩在於春夏木  
火熾旺金水衰而不能制火值天盛陽助吾身陽  
陽氣愈盛故病劇秋冬金水相生陰長陽消值天



盛陰助吾身陰陰盛制陽病故瘥也陰虛者龍雷之火浮越於上而無攝陰之能反爲擾陰之害上熱下虛陰精不交自洩所謂陰寒精自出實非真寒爲病骨髓虛憊則瘦削不能行矣

男子脉浮弱而濇爲無子精氣清冷

此以脉斷無子也男精女血盛而成胎然精盛脉亦當盛若浮弱而濇者浮乃陰虛弱爲真陽不足濇爲精衰陰陽精氣皆爲不足故爲精氣清冷則知不能成胎謂無子也蓋有生而不育者亦是精氣清冷所致乏嗣者可不知之而守養精氣者乎

夫失精家、少腹弦急、陰頭寒、目眩、髮落、脈極虛、芤、遲、爲清穀、亡血、失精、脈得諸芤、動微、緊、男子失精、女子夢交、桂枝龍骨牡蠣湯主之。

此營衛陰陽不足、虛勞、脈證、以從中氣而治也。勞傷心氣、火浮不斂、則爲心腎不交、上熱下寒、火不攝水、精孤於下、不交自洩、故病失精、或精虛、心相內浮、擾精而出、亦成夢交、然陽泛於上、陰氣下凝、少腹弦急、而陰頭寒、相火內動於肝、則目眩、水虛火盛、則頭髮落、營虛不充於脈、故脈極虛而芤、此勞於精血所致也。若勞陽虛、脈則遲矣。然亡血失

精是有心相二火之別。若傷心陽不振而失精者，其脈必遲。或真陽不充，脾胃氣弱，則脈遲而便清。穀矣。孔動微緊者，乃以陰陽氣血虛實之偏而總言也。但孔動偏損於陰虛陰虛則陽盛微緊偏損於陽虛陽虛則陰盛故陰虛者心相熾盛神明不安而失精夢交陽虛者心相氣衰神不收持亦爲失精夢交。此槩言男子失精女子夢交者而有傷心傷腎之分也。設非調營衛而生精血何以填補虛勞之體。故用桂枝湯調營衛而生精血加龍骨鎮心安神而攝腎水以牡蠣養腎濟精而制心火。

俾心腎相交則陰虛者得補陽虛者得斂失精夢  
交庶可得瘳若中焦陽虛不攝而失精者或以天  
雄散主之可也

桂枝加龍骨牡蠣湯

小品云虛弱浮熱汗出者除桂  
加白薇附子各三分故曰二加

湯  
龍骨

桂枝 三兩

芍藥 三兩

生薑 三兩

甘草 二兩

大棗 十二枚

龍骨 三兩

牡蠣 三兩

右七味以水七升煮取三升分溫三服

天雄散

天雄 三兩

白朮 八兩

桂枝 六兩

龍骨 三兩

右四味杵爲散酒服半錢七日三服不知稍增之  
男子平人脈虛弱細微者喜盜汗也

此明陰陽虛而皆致盜汗也男子平人脈見虛弱  
細微者外雖無病內之營衛氣血必虛而脈虛者  
營虛也營虛夜臥則衛入於陰擾亂陰血反越於  
外故盜汗出也弱主陽衰虛陽陷入陰中陰陽相  
搏皮毛失護陰不內守則盜汗也細爲氣血皆虛  
血虛陽陷氣虛不斂陰竄不守故盜汗也微爲陽  
弱陽虛不攝虛陽擾動於陰陰不內守故盜汗也  
此槩言四脈推及陰虛而陽亦虛故盜汗出非止

陰虛之一端耳。

人年五六十，其病脉大者，痺俠背行，若腸鳴，馬刀，俠瘦者，皆爲勞得之。

此因陰虛而陽氣痺也。經云：年五十體重，耳目不聰明，年六十陰痿，氣大衰。此謂人年五六十，脉大者，乃營衛皆衰，更益過節，勞頓則精血不足，而痺衛不獨行，虛陽上浮，則脉大，營衛不充於髀，發相循背之經，隧日痺，俠背行，然背外屬太陽經，脉所注背裏，屬少陰精血所流，而陽氣不升於背，陰精亦不注於脊，以致氣血兩痺，必成背寒背痛，背瘡。

之類也。若勞足太陰陽明腸胃真氣不充則爲腸鳴。或勞少陽厥陰氣鬱化火陰血痺滯則爲馬刀。俠瘦卽瘰癧之類。此皆勞傷營衛所致。爲勞得之。脉沈小遲名脫氣。其人疾行則喘喝。當作急字手足逆寒腹滿甚則溏泄食不消化也。

此勞脾腎之陽爲病也。真陽衰憊所以脉沈小遲。陽虛則氣亦虛故名脫氣。蓋陽根於腎而陰盛陽虛不能歸納腎間所以疾行則擾動虛陽上浮而喘急。陽虛則脾胃四肢不溫故手足逆寒脾失健運腹滿溏泄而食不消化也。

脈弦而大，弦則爲減，大則爲芤，減則爲寒，芤則爲虛，  
虛寒相搏，此名爲革。婦人則半產漏下，男子則亡血  
失精。

此以革脈發明木盛胃虛失血也。寸口主肺，肺全  
氣虛則木盛，木盛則脈弦，血虛則火旺，火旺則脈  
大。但弦屬陰，木氣盛，木勝則胃陽氣減，謂弦則爲  
減，大屬陽，火盛而陰血虛，謂大則爲芤。然胃氣虛  
而爲減，氣減所以爲寒，斯非真寒，卽在陽不治之  
謂也。失血脈芤，謂芤則爲虛，然以芤虛弦減合而  
言之，爲虛寒相搏，名之曰革。革者，如按鼓皮，乃取



全圖  
九  
改○革○不○常○之○義○是○主○木○火○盛○而○胃○氣○虛○然○木○盛○胃○  
虛○不○能○統○血○於○諸○經○故○在○婦○人○得○之○爲○中○虛○不○能○  
攝○血○胎○則○主○半○產○漏○下○男○子○得○之○爲○土○虛○不○能○  
攝○血○攝○精○則○主○亾○血○失○精○也○

虛○勞○裏○急○忤○逆○腹○中○痛○夢○失○精○四○肢○痠○疼○手○足○煩○熱○  
咽○乾○口○燥○小○建○中○湯○主○之○

此○營○衛○兩○濟○之○方○也○虛○勞○病○非○傷○先○天○陰○陽○卽○傷○  
後○天○營○衛○若○傷○後○天○中○氣○則○營○衛○不○充○於○五○臟○臟○  
腑○無○賴○精○血○漸○衰○則○臟○腑○各○自○爲○病○顯○證○百○出○也○  
因○營○血○不○灌○於○衝○脉○則○逆○氣○裏○急○腎○陰○不○能○既○濟○

心包火氣內動則悸。肝脾不和則腹中痛。相火  
妄動擾於陰中則夢失精。營氣不充於四肢則四  
肢痠疼。手足煩熱。胃津不輸於上則咽乾口燥。此  
因中氣不充故顯。以上諸證所以建中湯之桂枝  
行陽芍藥收陰。一陰一陽和調營衛以甘草膠飴  
一陰一陽補和營衛。薑棗一陰一陽宣通營衛。俾  
營衛冲和。澆灌臟腑而臟腑受濟。則諸虛恢復也。  
蓋營衛陰陽兩建之方。欲補其血則加歸芍之類。  
欲補其氣則加參芪甘朮之類。欲補其陰則加地  
黃知栢之類。欲補其陽則加桂附之類。以此類推。

變化無窮矣

小建中湯

桂枝

三兩  
去皮

甘草

三兩  
炙

大棗

十二  
枚

芍藥

六兩

生薑

三兩

膠飴

一升

右六味以水七升煮取三升去滓內膠飴更上微火消解溫服一升日三服

附錄千金用小建中湯方註證以見此方之妙

千金療男女積冷氣滯或大病後不復常苦四肢沈重骨肉痠疼吸吸少氣行動喘乏胸滿氣急腹背強痛心中虛悸咽乾唇燥面體少色或飲食無味脇肋腹脹頭重不舉多臥少起甚者積年輕者百日漸致瘦弱五臟氣竭則難可復常六脈俱不足虛寒乏氣少腹拘急羸瘠百病名曰黃蘗建中

湯又有人  
參二兩

虛勞裏急諸不足，黃芪建中湯主之。

此胃中營衛不濟於五臟現證也。雖云諸不足，觀其立方之意，誠偏脾肺腎氣虛損所致。脾胃氣弱，不生於肺氣，反上逆而爲裏急。故以建中湯加黃芪甘味之藥調之。俾脾元健運，營衛溉灌於肺，氣不急，諸虛自富也。若痰氣阻遏，短氣胸滿，加生薑宣潤胸中之氣，腹滿者加茯苓導濕下行，肺虛痰氣壅逆者加半夏滌痰鎮逆，而五臟見證，以此加減出入，則神妙在我。或火氣內鬱，暫除桂枝可

也

黃芪建中湯

於小建中湯內加黃芪一兩半。○氣短胸滿者加生薑腹滿者去棗加茯苓一兩半及療肺虛損不足補氣加半夏三兩。

虛勞腰痛少腹拘急小便不利者八味腎氣丸主之。

方見婦人雜病中

此勞腎中真陽之方也。腎氣受傷精氣痺着不宣腰痛而少腹拘急陰痺陽鬱開閣之機不轉則小便不利故用六味丸滋起真陰桂附壯火通陽。

陽相和開閣有權腎經諸病悉愈

虛勞諸不足風氣百疾薯蕷丸主之

此治肝虛致病之方也諸不足者因肝臟血虛木盛生風乘吸胃中津液以致營衛不生五臟皆虛故爲諸不足風氣百疾所以四君四物平補肝脾氣血麥冬阿膠以養肺腎之陰兼驅伏風薑棗宣行營衛桔梗杏仁開提肺鬱使治節有權則風木得平桂枝防風行陽化鬱使肝氣上升而不凌土以神麩去濕健脾開鬱白斂引肺藥補肺而生腎水豆黃卷引脾藥補脾而生營血柴胡升發少陽

之氣而爲轉運之樞。薯蕷獨多者，肝虛用甘味之藥培土濟肝之義也。

### 薯蕷丸

薯蕷

三分

人參

七分

白朮

六分

茯苓

五分

甘草

八分

當歸

十分

乾地黄

十分

芍藥

六分

芎藭

六分

麥冬

六分

阿膠

七分

乾薑

三分

大棗

百枚  
爲膏

桔梗

五分

杏仁

六分

桂枝

十分

防風

六分

神麩

十分

豆黃卷

十分

柴胡

五分

白斂

二分

右二十一味，末之，煉蜜和丸，如彈子大，空腹酒服。

一丸百丸爲劑

虛勞虛煩不得眠，酸棗湯主之。

此勞心受病之方也。勞傷心，血虛氣不斂，木火氣壅，所以虛煩。然心虛則胃土無賴，陽明之氣上逆，故不得眠。所以芎藭疎肝而通心氣，茯苓宣導心胃，虛氣下行，以棗仁和肝安神。甘草以瀉心家虛火，知母保肺生水而制火煩也。

酸棗湯

酸棗仁 二升

甘草 一兩

知母 二兩

茯苓 二兩

芎藭 一兩



右五味以水八升煮棗仁得六升內諸藥煮取三升分溫三服

五勞虛極羸瘦腹滿不能飲食食傷憂傷飲傷房室傷饑傷勞傷經絡營衛氣傷內有乾血肌膚甲錯兩目黯黑緩中補虛大黃廔蟲丸主之

此諸傷積血爲病也諸傷臟腑則真氣不能統血於周身營血痺着而不行於經絡瘀積不散內有乾血以致形體虛極羸瘦腹滿不能飲食外顯肌膚甲錯兩目黯黑故用四蟲大黃桃仁乾漆破血行瘀峻攻其血芩杏甘草涼順肺氣以使通調而

活痺着芍藥、地黃、收養陰血、俾正氣實而瘀血得去、飲食自進、則氣血自復、故爲緩中補虛、此因乾血而設、非虛勞常用之方也。

大黃廣蟲丸

大黃

十分

黃芩

二兩

甘草

三兩

桃仁

一升

杏仁

一升

芍藥

四兩

乾地黃

十兩

乾漆

一兩

蠹蟲

一升

水蛭

百枚

蟻螬

一升

廣蟲

半升

右十二味、末之、煉蜜和丸、小豆大、酒飲服五丸、日三服。

論曰、世知房慾所傷爲虛勞、補腎爲耑門、殊不知

靈素金匱有七情勞傷五臟六腑而無外邪乃爲  
虛勞也。經曰：心怵惕思慮則傷神，神傷則恐懼自  
失，破胭脫肉，脾憂愁不解則傷意，意傷則恍惚亂，四  
肢不舉，肺喜樂無極則傷魄，魄傷則狂，皮革焦，腎  
盛怒而不止則傷志，志傷則喜忘其前言，腰膝不  
可以俛仰，屈伸恐懼而不解則傷精，精傷則骨瘦  
痿厥，精時自下，是情志內傷，神思氣血爲病也。又  
謂是以夜行喘出於腎，淫氣病肺，有所墮恐喘出  
於肝，淫氣害脾，有所驚恐喘出於肺，淫氣傷心，度  
水跌仆喘出於腎於骨，然五臟所傷之氣則一故。

喘病屬氣。此先傷其氣，而後致陰血漸虧也。又謂  
飲食飽甚，汗出於胃，驚而奪精，汗出於心，持重遠  
行，汗出於腎，疾走恐懼，汗出於肝，搖體勞苦，汗出  
於脾。其因雖異，致傷津液則一。而汗屬陰，精先傷  
精、津、血、液，而後傷於氣。二者當分陰陽而治也。難  
經謂一損損於皮，毛皮聚而毛落。二損損於血脉，  
血脉虛少，不能榮於五臟六腑。三損損於肌肉，肌  
肉消瘦，飲食不能爲肌膚。四損損於筋，筋緩不能  
自收持。五損損於骨，骨痿不能起於床。從上下者，  
骨痿不能起於床者死。從下上者，皮聚毛落者死。

謂損其肺者益其氣，損其心者調其營衛，損其脾者調其飲食，適其寒溫，損其肝者緩其中，損其腎者益其精。此立五臟致傷現證，並治法之大綱。仲景補其脈而述其證，謂男子平人脈大極虛者，沈弦浮弱而者，扎遲動微緊者，沈小遲者，弦而大者，皆爲虛勞之脈。但有營衛陰陽寒熱之分。證有面色薄、主渴、亡血、喘悸者，無寒熱，短氣裏急，小便不利，面白，目瞑，兼衄，少腹滿者，手足煩，春夏劇，秋冬瘥，陰寒精自出，瘦削不能行者，精氣清冷而無子者，失精，少腹弦急，陰頭寒，目眩，髮落，清穀亡血。

盜汗者痺俠背行腸鳴馬刀俠瘦者脫氣疾行喘  
急手足厥寒腹滿漉泄食不消化者此皆勞傷臟  
腑管衛氣血陰陽偏勝之證也然虛勞病乃無邪  
可除無病可療惟有調和管衛陰陽爲主仲景每  
於後天中氣而爲管衛氣血之源調養管衛以生  
精氣血液充溢臟腑爲復虛勞諸證之良法故裏  
急悸動腹痛失精四肢痠疼手足煩熱咽乾目燥  
以小建中湯爲治虛勞之總持治失精夢交羽桂  
枝湯入龍骨牡蠣是開後學之加減法也有不因  
中氣而自傷本臟致病者則以心肝脾肺腎各立

一方見肺虛不生腎水而逆氣裏急卽以土金相生之製名曰黃芪建中是偏補於氣也肝氣盛而化爲風氣百疾用甘藥相和木土之製故立薯蕷丸若腎中陽虛腰痛少腹拘急小便不利以陰陽升降開閤機關而製八味丸若心勞虛煩不得眠則以酸棗湯疎滯而育神以上爲治虛勞曲盡之法也有五勞虛極羸瘦腹滿不能飲食內有乾血瘀積不行而極虛之中反見大實之證庸流於此目眩心迷喜補畏攻使病愈篤不至於死則不休也仲景開大法門故立大黃廬蟲丸峻藥緩圖死

裏○求○生○之○方○而○治○死○裏○求○生○之○病○每○日○三○服○陸○續○  
漸○除○俾○痰○積○去○而○虛○勞○庶○幾○可○復○但○後○人○惟○知○補○  
虛○未○窺○其○至○聖○至○妙○之○理○也○蓋○論○中○失○血○脉○證○雖○  
多○不○言○失○血○而○致○咳○嗽○此○乃○陰○虛○極○證○當○治○其○本○  
不○必○言○標○故○不○論○及○設○以○前○之○方○論○泰○治○虛○勞○一○  
證○思○過○半○矣○

附方

千金翼灸甘草湯治虛勞不足汗出而悶脉結悸  
行動如常不出百日危急者十一日死  
此心勞以心腎爲關鍵故心陰之虛則心火熾盛



熱○救○於○內○火○熱○內○蒸○心○液○外○越○則○汗○出○心○液○少○而○  
氣○不○舒○則○汗○出○而○悶○心○血○不○足○則○脉○道○澇○滯○結○而○  
悸○也○蓋○心○爲○君○主○而○屬○陽○狂○陽○未○息○以○故○行○動○如○  
常○欲○知○死○期○必○至○火○氣○休○囚○水○旺○之○鄉○故○斷○百○日○  
而○危○急○者○卽○不○應○期○當○在○水○旺○火○絕○之○日○曰○十○一○  
日○死○方○用○炙○甘○草○湯○救○其○始○萌○之○初○希○圖○萬○一○是○  
以○桂○甘○通○理○中○氣○而○行○營○衛○薑○棗○宣○通○上○焦○之○陽○  
人○參○補○心○之○正○麥○冬○地○黃○清○心○生○血○以○阿○膠○善○保○  
肺○腎○之○陰○麻○仁○入○脾○養○血○而○潤○燥○以○炙○甘○草○爲○君○  
者○乃○甘○平○補○脾○中○和○之○品○萬○物○以○土○爲○稼○穡○乃○生○

長之司故耳

甘草

四兩  
炙

桂枝

三兩

生薑

三兩

麥冬

半升

麻仁

半升

人參

二兩

阿膠

二兩

大棗

三十  
枚

生地黄

一  
斤

右九味以酒七升水八升先煮八味取三升去滓  
內膠消盡溫服一升日三服

肘後癩肝散治冷勞又主鬼症一門相染

蓋勞無不熱此冷者卽無陽之謂也。要知非傷營  
衛精血乃傷肝中陽氣而肝爲火之母肝膽相爲  
表裏爲一陽生發之源夫一陽生則諸臟之陽皆

生若肝胆之陽滅則諸臟之陽亦滅此傷肝臟溫  
和生發之氣則心脾肺腎諸臟不溫經云逆春氣  
則少陽不生肝氣內變之義也病必心神恍惚夜  
臥多驚不思飲食食不消化謂之冷勞但治病必  
求其本而懶爲陰獸其肝應月而增減乃得天地  
陰陽進退之正獺肉皆寒惟肝性溫故以獸肝之  
溫而補人肝溫氣之本是非桂附大熱而補心相  
之標是欲肝得其溫則火源漸長諸陽齊起冷勞  
可愈矣治鬼疰一門相染者蓋鬼卽人之魂而離  
體則爲鬼是屬陰邪而肝主藏魂鬼邪侵襲於肝

使人魂不得歸室，故爲鬼症。寃業情思不散，尸氣相傳，同氣受邪，連綿不絕，謂一門相染，所以獺肝性溫，陰中陽物，獨補人肝之陽，陽能勝陰，而肝得其補，舍氣充盈，陽長陰消，故亦治也。

獺肝一具，炙乾末之，水服，方寸匕，日三服。

廣仲景金匱要畧卷六 終

張仲景金匱要畧卷七

構李沈明宗目南甫編註

肺痿

問曰熱在上焦者因欬爲肺痿肺痿之病從何得之師曰或從汗出或從嘔吐或從消渴小便利數或從便難又被快藥下利重亾津液故得之曰寸口脉數其人欬口中反有濁唾涎沫者何師曰爲肺痿之病若口中辟辟燥欬卽胸中隱隱痛脉反滑數者此爲肺癰欬唾膿血脉數虛者爲肺痿數實者爲肺癰此肺痿肺癰之辨也心肺居上腎水不足心火刑

金爲熱在上焦肺陰日消氣逆則咳故致肺痿然  
本經明其始病之因或從病後陰虛過汗傷液嘔  
吐傷津消渴血虛津竭或利小便數而傷陰或便  
難反被快藥下利而重亾津液以致肺津枯燥虛  
熱薰蒸故寸口脈數其人欬嗽氣弱不振津液不  
佈化爲濁唾涎沫而成肺痿若口中辟辟燥欬卽  
胸中隱隱痛者乃風寒侵入肺中凝滯營血爲癰  
故脈滑數而咳唾膿血然無形虛熱致痿故脈數  
虛有形氣血凝滯成癰而脈數實此明肺癰屬實  
肺痿屬虛也

肺痿吐涎沫而不欬者，其人不渴，必遺尿，小便數，所以然者，以上虛不能制下故也。此爲肺中冷，必眩，多涎唾，甘草乾薑湯以溫之。若服湯已，渴者，屬消渴。

此肺寒致痿也。前傷津液，虛熱成痿，乃肺痿之常。此肺氣虛寒痿之變也。經云：上焦開發，宣五穀味，充身澤毛。若霧露之溉，是胃中營衛之氣相蒸於上焦而成。宗氣溫養於肺，散佈津液而爲常度。此胃虛則營衛衰弱，宗氣虛微，上焦不溫，津液不佈，聚化爲沫，則吐涎沫，內無火氣，動肺不燥，津液故不欬而不渴也。遺尿小便數者，因肺之上源虛而

不能制下肺冷痿弱之故也肺冷則腎陰上逆必眩而多涎唾方用甘草乾薑溫補肺胃之氣肺氣得溫則津液佈而涎沫不聚痿自愈矣若服甘草乾薑湯已渴者屬熱痿又非肺寒之比因涎多聚溢胸中而制燥熱故不渴實熱內伏而服乾薑湯助起肺胃之熱遂作渴故屬消渴也

甘草乾薑湯

甘草

四兩  
炙

乾薑

二兩  
炮

右㕮咀以水三升煮取一升五合去滓分溫再服論曰經謂有所失人所求不得則發肺鳴鳴則肺



熱葉焦皮毛虛。急用生痿。疑者是。下。信。  
思慮傷肺。火盛木虧。所以局方發汗。有瀉南方補。  
北方之治。本經寸口脈數。其人欬。口中反有濁唾。  
涎沫者。乃從汗出。嘔吐消渴。小便利數。大便難。而。  
重。亾津液。過傷肺。與大腸氣血所致。與內經不同。  
又吐涎沫而不渴。其人不欬。必遺尿。小便數。上虛。  
不能制下。爲肺中冷。必眩多涎唾。以甘草萸薑湯。  
溫肺起痿。經所不載。仲景創補之矣。但治熱痿之。  
方遺失。無傳。余以內經治痿。獨取陽明調和營衛。  
滋陰清熱潤燥。或溫中益虛。顯然有據。諒不罪予。

僭妄宋人選入外臺千金等方亦調陽明之意庶  
證參酌用之

附方

外臺炙甘草湯治肺痿涎唾多心中溫溫液液者

方身  
虛勞

肺熱則痿弱不振通調失職聚液成涎故涎唾多  
而溫溫液液卽泛泛惡心之意也然肺之痿熱必  
從胃虛或濕熱傷肺而致故經謂治痿獨取陽明  
但或瀉或補隨其所宜所以炙甘草湯補調脾胃  
生津益肺俾土金相生涎沫止而痿自愈矣

渴、千金生薑甘草湯治肺痿欬唾涎沫不止咽燥不

生薑甘草湯卽炙甘草湯之變方也甘草人參大棗扶脾胃而生津液以生薑辛潤宣行滯氣俾胃中津液溉灌於肺則澤猶回枯不致肺熱葉焦爲治肺痿之良法也

生薑

五兩

人參

三兩

甘草

四兩

大棗

十五枚

右四味以水七升煮取三升分溫三服

千金桂枝去芍藥加皂莢湯治肺痿吐涎沫

用桂枝湯嫌芍藥酸收故去之加皂莢利涎通竅

不令涎沫壅遏肺氣而致喘痿桂枝和調營衛俾營衛宣行則肺氣振而涎沫止矣

桂枝 三兩

生薑 三兩

甘草 二兩

大棗 十枚

皂莢

一枚去皮子炙焦

右五味以水七升微微火煮取三升分溫三服

### 肺癰

問曰病欬逆脈之何以知此爲肺癰當有膿血吐之則死其脈何類師曰寸口脈微而數微則爲風數則爲熱微則汗出數則惡寒風中於衛呼氣不入熱過於營吸而不入風傷皮膚毛落血脈凝滯歸其

則欬口乾喘滿咽燥不渴多唾濁沫時時振寒熱之  
所遇血爲之凝滯畜結癰膿吐如米粥始萌可救膿  
成則死

此風入肺之營分成癰辨已成未成之脉也前言  
滑數爲癰成之脉此寸口脉微而數是風邪傷肺  
未成癰膿之脉也脉微乃肺虛受風曰微則爲風  
邪化爲火曰數則爲熱蓋風性輕揚能開腠理表  
虛受風而自汗爲微則汗出風熱在肺外應皮毛  
而惡寒卽惡風之互辭也但呼出心肺衛氣亡之  
肺受外邪阻遏衛氣則呼氣不入吸入腎肝營血

所司邪傳血分爲熱過於營營氣壅塞吸而不出  
風傷皮毛浸淫營血爲熱傷血脉卽傷肺之血脉  
也風舍於肺邪正搏擊氣亂於胸其人卽欬熱鬱  
胸中所以口乾喘滿涎沫制燥以故咽燥不渴肺  
津化而爲涎則多唾濁沫肺氣應於皮毛時時振  
寒熱之所過於營凝滯爲癰成膿吐如米粥若始  
萌急瀉其肺則可圖救遷延至於肺葉腐敗膿成  
則死

肺雖喘不得臥葶藶大棗瀉肺湯主之  
此治標之方也風中於衛而氣壅逆呼氣不入則

喘不得臥，因循日久，必致肺葉腐敗，吐膿而死。故用葶藶急瀉肺實之壅，俾氣血得利，不致腐潰吐膿。且以大棗先固脾胃之元，其方雖峻，不妨用之耳。

葶藶大棗瀉肺湯

葶藶

熬令黃色搗丸如彈子大

大棗

十二枚

右先以水三升，煮棗取二升，去棗內葶藶，煮取一升，頓服。

欬而胸滿振寒，脈數，咽乾不渴，時出濁唾腥臭，久久吐膿如米粥者，爲肺癰，桔梗湯主之。

此癰成而出方也。風舍於肺，欬而胸滿，振寒，內氣挾風化熱，而脈數然。肺氣壅逆，津液化爲濁唾，而制胸鬲之燥咽乾，不渴時出濁唾，腥臭者，明是肺爲腥臭，是熱過於管吸而不出，氣血凝結已成癰膿之兆。若緩時日，肺葉腐敗，吐膿則死。故用桔梗開提壅逆而破血結，甘草清熱解毒，以和中氣，使胸肺之邪從吐而出，肺葉不致腐敗。故方後云再服，則吐膿血也。

桔梗湯

亦主血痺

桔梗

一兩

甘草

二兩



右二味以水三升煮取一升分溫再服則吐膿血也。

論曰汗出惡寒呼氣不入吸氣不出口乾喘滿咽燥不渴多唾濁沫時時振寒吐如米粥若此者癰膿已成治之遲矣仲景欲人見微知著始見口中辟辟燥欬胸中隱隱而痛之時卽以肺癰治之則免吐膿而死故示葶藶大棗之峻桔梗湯之緩一峻一緩爲訓意在開提肺氣不使成癰而爲切務若以泛常欬嗽而施順氣消痰迂緩日深必致吐膿而死。

附方

肺癰胸滿脹，一身面目浮腫，鼻塞清涕出，不聞香臭，酸辛欬逆上氣，喘鳴迫塞，葶藶大棗瀉肺湯主之。

三日一劑，可至三四劑。此先服小青龍湯一劑，乃進。

前條肺癰喘不得臥，仲景用此湯瀉實補虛。此肺癰胸滿脹，一身面目浮腫，鼻塞清涕出，不聞香臭，酸辛欬逆上氣，喘鳴迫塞，邪居衛分，而營分少，壅逆不宣，故先服小青龍湯以散表裏氣分之邪，繼以葶藶專瀉肺中氣血之結，俾衛邪已散而營邪亦從衛出，則癰膿消散，諸證自平矣。

千金葦莖湯治欬有微熱煩滿胸中甲錯是爲肺癰

欬有微熱煩滿邪在氣分而帶表證胸中甲錯則熱過於營矣故用葦莖體質輕浮其味甘寒能解在表之熱桃仁以破血壅薏苡補肺而滲利痰濕瓜瓣其形象肺入肺而清肺熱能吐敗濁之瘀故方後云再服當吐如膿卽去舊生新之意也

葦莖

二升

薏苡仁

半升

桃仁

五十粒

瓜瓣

半升

右四味以水一斗先煮葦莖得五升去滓內諸藥煮取二升服一升再服當吐如膿

全... 卷一  
時出濁唾腥臭，久久吐膿如米粥者，爲肺癰。欬而胸滿，振寒時出濁唾腥臭，內膿已成。若以緩圖勢，必吐膿。故以桔梗開提肺氣，貝母清熱而化痰涎，巴霜峻猛熱劑，急破其癰，驅膿下出。病在膈上，則一吐盡除，而胸中肺氣曠若太虛。膿雖已成，尚或圖救，乃逆流挽舟之治也。蓋觀方後云：病在膈下，瀉出者，豈有肺癰在於膈下之理？是對腸癰臧毒亦可用此方而言也。

桔梗

三分

貝母

三分

巴豆

一分去皮  
熬研如脂

右三味爲散強人飲服半錢匕羸者減之病在膈上者吐膿在膈下者瀉出若下多不止飲冷水一盃則定

欬嗽上氣爲肺脹

上氣喘而躁者屬肺脹欲作風水發汗則愈

此見肺癰當有肺脹之辨也邪傷於衛後入於營而爲肺癰此風傷於衛內挾痰涎壅逆肺氣上逆奔迫故喘而躁是爲肺脹然有肺氣壅逆不得通調水道水卽泛濫皮膚故曰欲作風水治宜發汗驅風從表而出水卽下滲卽下條小青龍之證也

肺脹欬而上氣煩躁而喘脉浮者心下有水小青龍  
加石膏湯主之

此互土條肺脹治法也風寒之邪入於營衛挾痰  
上逆則欬而上氣煩躁而喘肺氣壅逆謂之肺脹  
卽肺癰未成之初也此氣分邪多故脉見浮然氣  
逆則津液化爲痰飲而痰飲乃屬陰邪內積胸膈  
爲心下有水當用小青龍滌飲散表此風多寒少  
表裏相半故加石膏以清風化之熱

小青龍加石膏湯

千金證治同外更  
加脇下痛引缺盆

麻黃

芍藥

桂枝

細辛

乾薑

甘草

各三兩

五味

半升

半夏

半升

石膏

二兩

右九味以水一斗先煮麻黃去上沫內諸藥煮取三升強人服一升羸者減之日三服小兒服四合欬而上氣此爲肺脹其人喘目如脫狀脉浮大者越婢加半夏湯主之

此風寒多而痰飲少之方也邪氣壅逆於肺欬而上氣其人喘也胸中賁鬱之極故目如脫狀脉浮大者風多痰少表盛所致故用越婢湯驅散表邪加半夏一味消痰下逆是矣

越婢加半夏湯

大棗十五枚

石膏半斤

生薑三兩

大棗

十五枚

甘草二兩

半夏半升

右六味以水六升先煮麻黃去上沫內諸藥煮取三升分溫三服

欬而上氣、喉中水雞聲、射干麻黃湯主之。

此寒風束肺之方也。寒風壅閉肺氣而不下達，則欬而上氣。津液不佈，化爲痰涎，滯礙呼吸之氣，不利痰隨外邪上吸，往來有聲，喉如水雞聲也。然肺氣既壅，恐其熱過於營，將成肺癰，故用射干、蒡通咽閉，麻黃開發肺實之邪，細辛、紫菀欬冬、溫散爲



助半夏化痰而下逆氣五味以收肺氣之正薑棗  
宜通營衛俾邪散則肺不成癰矣

射干麻黃湯

射干

十三枚  
法三兩

麻黃

四兩

生薑

四兩

細辛

二兩

紫苑

三兩

款冬花

二兩

五味

半升

大棗

七枚

半夏

半升  
洗

右九味以水一斗二升先煮麻黃兩沸去上沫內  
諸藥煮取三升分溫三服

欬逆上氣時時唾濁但坐不得眠皂莢丸主之

此風邪致痰之病也風邪壅逆肺氣上而不下則

欬逆上氣津液不佈化爲痰涎而時時唾濁痰壅  
氣滯但坐不得眠矣設遷延時日熱過於營膿成  
則死此風邪驟至之病而無積飲相挾故以皂莢  
一味能開諸竅而驅風痰最疾服三丸者是取咬  
藥緩散之意也

皂莢丸

皂莢

八兩刮去皮用酥炙

右一味末之蜜丸梧子大以棗膏和湯服三丸日  
三夜一服

欬而脈浮者厚朴麻黃湯王之欬而脈沈者澤漆湯

主之

脈沈之條當入肺癰因原  
文不便分割共列於此也

此以脈之浮沈而分肺之營衛受病也。欬而脈浮，風邪在衛，卽肺脹之類。其病尚淺，當使邪從表出，故以厚朴杏仁下泄胸中氣實，麻黃開腠驅邪，石膏以清風化之熱，辛半乾薑兼驅客寒而滌痰飲。五味收肺之逆，小麥以調脾胃也。脈沈者邪入血分而深，卽熱過於營，勢必成癰吐膿，故用桂枝薑草宣通營衛，人參以養正氣，黃芩能降風熱之標，半夏條痰以降逆氣，澤漆破血結開壅而下水，紫苑同白前辛潤開結而下氣止欬也。

厚朴麻黃湯

厚朴 五兩 麻黃 四兩 石膏 如鷄子大 杏仁 半升 半夏 半升

乾薑 二兩 細辛 二兩 小麥 一升 五味子 半升

右九味以水一斗二升先煮小麥熟去滓內諸藥煮取三升溫服一升日三服

澤漆湯

半夏 半升 紫參 五兩一作紫苑 澤漆 三觔以東流水五斗煮取一斗五升

生薑 五兩 白前 五兩 甘草

黃芩 人參 桂枝 各三兩

右九味咬咀內澤漆汁中煮取五升溫服五合全

夜盡

上氣面浮腫肩息其脉浮大不治又加短尤甚

此言肺死脉証也。上氣面浮腫肩息乃風寒壅逆於肺邪實正虛氣上不下肺氣絕而正欲亡脫故脉浮大氣已散而離根故不治矣然則陰從下脫所以尤甚

火逆上氣咽喉不利止逆下氣者麥門冬湯王之。此陰火上逆也真陰之虛陰火上逆刑金為火逆上氣咽喉不利惟當壯水之主以鎮陽光曰止逆下氣故用麥冬人參甘米大棗滋培後天胃氣以

生肺金卽生陰水而降火邪惟以半夏滌痰下逆  
余竊擬爲肺痿之主方也

麥門冬湯

麥門冬 七升

半夏 一升

人參 二兩

甘草 二兩

粳米 三合

大棗 十二枚

右六味以水一斗二升煮取六升溫服一升日三  
夜一服

論曰詳金匱欬嗽病本於肺則一大綱有三一者  
虛熱刑金氣弱不振欬而唾沫爲肺痿二者風  
衛分則病欬上氣喘爲肺脹三者邪傳管而

不行爲肺癰。然肺脹之中，又分風寒表裏。痰多風少，風多痰少之治。故氣喘而躁，脉浮者爲心下有水，欲作風水，當以小青龍兩解表裏，加石膏以清風熱之。多目如脫狀，乃風寒多而痰少，以越婢藥風加半夏而下痰逆。風寒外束，火熱內鬱，喉中水雞聲者，射干麻黃湯宣通表裏之邪。風熱壅逆，津液不佈化而爲涎，時時唾濁，但坐不得眠者，皂莢丸以驅風鬱之涎。若欬而脉浮邪居肺氣，以厚朴麻黃湯俾從表解，欬而脉沉邪入於營，將成肺癰，以澤漆而破壅結，火逆上氣咽喉不利是爲外邪。

治當麥門冬湯清潤滋降若見浮腫肩息脈浮大  
而下利真氣上浮下脫則爲不治以上皆外證也  
內飲合病微細之辨臨證又當合內經五臟六腑  
互相傳乘之效則能盡善



張仲景金匱要畧卷八

構李沈明宗目南浦編註

奔狫

師曰病有奔狫有吐膿有驚怖有火邪此四部病皆從驚發得之

此驚氣入心病有四變也但心虛受驚驚則氣亂神浮腎家舊積內動欲上陵心故爲奔狫然驚則氣散散則血不歸經滯留肺胃疑結成癰蒸腐爲膿則病吐膿蓋驚邪入心神明失守狂妄不精而爲驚怖若燒針以治風熱傷衛之病火氣入心逼

迫心神狂亂煩燥故爲火邪然此四病皆從心虛  
驚觸氣亂所致謂驚發得之

師曰奔豚病從少腹起上衝咽喉發作欲死復還止  
皆從驚恐得之

此出奔豚之證也狀如江豚故爲奔豚心氣虛而  
驚入神明不治上中二焦氣虛不復攔阻腎積之  
邪直闖陽位故從少腹起上衝咽喉氣逆神昏所  
謂發作欲死然陰邪上而不能久居陽分卽返於  
陰爲復還止此從驚氣傷心氣亂恐氣傷腎致積  
謂驚恐得之

奔。狫。氣。上。衝。胸。腹。痛。往。來。寒。熱。奔。狫。湯。主。之。

此風邪引動腎積也。前乃腎中積寒直衝陽道而  
至咽喉。此因肝膽風邪相引腎中積風乘脾。故氣  
上衝胸而腹痛。厥陰受風相應。少陽則往來寒熱。  
是以芎歸薑芍疏養厥陰。少陽氣血之正而驅邪  
外出。以生葛李根。耑解表裏風熱。而清奔狫逆上  
之邪。黃芩能清風化之熱。半夏以和脾胃而化客  
痰。俾兩經邪散。木不臨脾。而腎失其勢。即奔狫自  
退。按奔狫雖屬腎病。此仗風邪引動積風而發。仲  
景引明非僅寒邪一端致病。誠補素問之不足也。

奔豚湯

甘草 二兩 芎藭 二兩 當歸 二兩 半夏 四兩 黃芩 二兩

生葛 五兩 芍藥 二兩 生薑 四兩 甘李根白皮 一升

右九味以水二斗煮取五升溫服一升日三夜一發汗後燒鍼令其汗鍼處被寒核起而赤者必發奔豚氣從少腹上至心灸其核上各一壯與桂枝加桂湯主之

此因風傷衛症、燒鍼取汗而致奔豚也、風寒在表、燒鍼令汗散邪而汗則傷洩陽氣、針處重受於寒、則發核起而赤、內氣虛而應接表邪入裏、引動腎

積故氣從少腹上衝至心治當灸其核上以除邪仍  
以桂枝湯解表加桂專伐腎積之邪耳

桂枝加桂湯

桂枝 五兩

芍藥 三兩

甘草 二兩

生薑 三兩

大棗 十二枚

右五味以水七升微火煮取三升去滓溫服一升發汗後臍下悸者欲作奔豚茯苓桂枝甘草大棗湯注之

此汗虛陽氣而致奔豚出方也發汗而傷心氣腎邪遂欲上陵則臍下悸欲作奔豚方用甘棗坐鎮

中州以制賊邪，不得上陵心位。桂苓專伐腎陰，以水揚之，千遍爲甘瀾者，取其力軟和平，不爲腎邪之助。蓋後人治奔豚，皆忌甘草，是不識仲景補脾制腎之妙義耳。

茯苓桂枝甘草大棗湯

茯苓

半觔

甘草

二兩

大棗

十五枚

桂枝

四兩

右四味以甘瀾水一斗，先煮茯苓，減二升，內諸藥，煮取三升，去滓，溫服一升，日三服。甘瀾水取水二斗，置大盆以杓揚之，水上有珠子五六千顆相逐，遂取用之。

論曰：難經謂腎積發於少腹，上至心下，如豚狀，名

為賁豚上下無時久不已令人欬逆骨痠少氣以  
夏丙丁脾病傳腎腎當傳心心旺不受腎欲還脾  
脾不肯受所以留積腎間衰者受邪而為之本蓋  
脾病傳腎乃寒濕為病若從肝病傳脾而來即風  
濕為病明矣全匱標本互舉謂驚恐得之誠補靈  
素之不足也然少腹起上衝咽喉發作欲死復還  
止乃明寒濕之邪為本腹痛往來寒熱者謂風木  
受邪引動舊積之風而發也燒鍼令汗鍼處受寒  
引動舊寒所致臍下悸欲作賁豚者過汗傷陽腎  
邪欲上陵心邪之淺也然標本風寒邪之新舊不

詞故復論之

張仲景金匱要畧卷八

終



張仲景金匱要畧卷九

樞李沈明宗目南甫編註

胸痺

師曰夫脉當取太過不及陽微陰弦卽胸痺而痛所以然者責其極虛也今陽虛知在上焦所以胸痺心痛者以其陰弦故也

此胸痺陽虛陰盛而挾外邪也正氣微則陽脉微爲不及陰邪盛則陰脉弦爲太過陽氣微而容寒內侵以挾肝腎之陰上逆於胸痺着氣血不利而痛曰陽微陰弦卽胸痺而痛痺者閉也是經脉氣

直鬱閉而不通也。求其所以然者，責其上焦陽氣。極虛，下陰上逆，謂胸痺心痛者，以其陰弦故也。

胸痺之病，喘息欬唾，胸背痛，短氣，寸口脈沈而遲。此

有一若字

關上小緊數，括蕪薤白白酒湯主之。

此寒邪痺胸而偏於肺，以脈遲緊分虛實也。蓋胸中陽氣猶如杲日當空，萬里無雲，陽和通利，倏忽地氣上爲雲，則太虛昏昧，日月晦明，而胸痺猶是者矣。但陰盛挾邪上逆，胸中痺偏於肺，則喘息欬唾，胸背痛而短氣。然陽虛則肺氣亦虛，痺鬱胸中，故寸口脈沈而遲，乃言正氣虛寒之痺脈也。若中

上二焦陽氣未至，虛極寒邪挾陰上逆，邪正相搏而爲有餘，則關上脈現小緊而數，卽是寒實之證。法當行湯散邪，則胸痺得開，非似沈遲虛寒而用附子回陽，故用括蕒苦寒潤肺消痰而下逆氣，薤白辛溫行陽散邪，以白酒宣通管衛使肺通調，則痺自開矣。蓋此論當以寸口脈沈而遲爲虛寒之證，關上小緊數，括蕒薤白白酒湯爲寒實之證，另作一節解，否則豈有遲數二脈同見之理哉。

括蕒薤白白酒湯

括蕒實

一枚

薤白

半斤

白酒

七升

右三味同煮取二升分溫再服

胸痺不得臥心痛徹背者括蕪薤白半夏湯主之  
此痺偏於心包與俞穴也痺邪偏侵心包氣逆不  
利則不得臥然心俞在背心包與俞相應故心痛  
徹背而上焦陽虛火不生土脾虛則津液化痰以  
前湯開痺加半夏而消痰飲也

括蕪薤白半夏湯

括蕪實

一枚

薤白

三兩

半夏

半升

白酒

一斗

右四味同煮取四升溫服一升日三服

別痺心中痞留氣結在胸胸滿脇下逆搶心枳實薤

白桂枝湯主之人參湯亦主之

此肝氣逆上按濕痺於胸也經云風寒濕三氣合  
而爲痺原非一邪所致此上焦陽虛而中氣亦虛  
風乘於胃反挾濁濕上逆胸中以致心中痞滿爲  
濁氣結在胸肝氣挾風逆上故胸滿而脇下逆搶  
心所以桂枝薤白通陽而行營衛兼驅風邪外出  
活婁化痰而利氣枳實厚朴以下濁濕而開心下  
之痞但中州氣弱木必乘脾故用參朮薑桂溫補  
中上二焦之氣輔正驅邪胃陽升而厥陰退痺着  
自開所以人參湯亦主之

出資 桂枝湯

枳實

四枚

薤白

半斤

桂枝

一兩

厚朴

四兩

枳實

一枚

右五味以水五升先煮枳朴取二升去滓內諸藥

煮數沸分溫三服

人參湯

人參

甘草

乾薑

白朮

各三兩

右四味以水八升煮取三升溫服一升日三服

胸痺緩急者薤苳附子散主之

此寒濕痺於經絡卽寸口脉沈而遲虛寒之方也

胸中陽虛風寒濕陰之邪混合上逆痺着胸背經絡筋脉不和或緩或急而痛曰胸痺緩急所以附子補陽驅寒同意苴舒筋燥濕俾邪去則不緩急矣。

苴以附子散

苴苴

十五兩

大附子

十枚

右二味杵爲散服方寸七日三服

心痛

心○中○痞○諸○逆○心○懸○痛○桂○枝○生○薑○枳○實○湯○主○之○  
心○懸○陰○上○痺○又○互○內○經○厥○心○痛○之○旨○因○風○而○出○方○

心痛

也。上焦陽氣不治，風寒濕邪上逆，搏結於胸，清濁  
混乳，則心中痞，當以行陽驅邪開痞之治也。蓋諸  
逆心懸痛，乃發內經諸臟之邪上逆於心內，無痰  
飲相挾，故不嘔而竟空痛，爲諸逆心懸痛與痰飲  
搏結痞滿之痛迥殊。然厥心痛必因風寒挾引臟  
腑之氣上逆而發，此但以風邪立方，所以桂枝生  
薑湯和營衛而驅邪外出，枳實下逆化痰而開痞  
塞，或真心中痞五臟厥逆諸痛，共出一方，令人做  
之，名曰同治，真爲聖法。

枳實湯



桂枝 三兩

生薑 三兩

枳實 五兩

右三味以水六升煮取三升分溫三服

心痛徹背背痛徹心烏頭赤石脂丸主之

此上焦陽虛受寒也邪感心包絡經氣應外俞則心痛徹背邪襲背俞氣從內走則背痛徹心俞臟相通內外之氣相引則心痛徹背背痛徹心故用烏頭薑椒味辛氣熱通陽散寒赤石脂入心養血鎮墜輯浮之氣而安中驅邪俾正氣復而邪散痛止然有風客背俞痛亦如是非盡屬寒臨證以脉辨之則的

烏頭赤石脂丸

烏頭

一分

蜀椒

一兩一分

附子

半兩一分

乾薑

一兩一分

赤石脂

一兩一分

右五味末之蜜丸如梧子大先食服一丸日三服不知稍加增

附方

九痛丸治九種心痛

內經有五臟胃腑心痛並痰蟲食積卽爲九痛也心痛之因非風卽寒故以乾薑附子驅寒壯陽吳棗萸能降肝臟濁陰下行生狼牙善驅浮風以巴

豆驅逐痰蟲、陳滯之積、人參養正、驅邪、蓋治中惡、  
腹脹痛、口不能言、連年積冷、流注心胸痛、並冷氣、  
上衝、落馬墜車、血疾等證者、因其藥品、氣血皆入、  
補瀉攻伐皆備故也。

附子

三兩  
炮

生狼牙

一兩

巴豆

一兩去皮心  
熬研如膏

乾薑

一兩

吳茱萸

一兩

人參

一兩

右六味末之、煉蜜丸、如梧子大、酒下、強人初服三、  
九日、三服弱者二丸。○兼治卒中惡、腹脹痛、口不、  
能言、又治連年積冷、流注心胸痛、並冷衝上氣、落、  
馬墜車、血疾等證、皆主之、忌口如常法。

短氣

胸痺胸中氣塞短氣、茯苓杏仁甘草湯主之、橘枳生薑湯亦主之、

此痺胸中之氣也、邪氣阻塞胸膈、肺氣不得往來、流利則胸中氣塞短氣、方用杏仁通調肺氣、以茯苓滲導飲濕下行、甘草和中、俾邪去則痺開而氣不短矣、然胸痺乃胸中氣虛土濕寒濁陰氣以挾外邪上逆所致、故橘枳生薑善於散邪下濁、所以亦主之、

茯苓杏仁甘草湯

茯苓 三兩

杏仁 五十個

甘草 一兩

右三味，以水一斗，煮取五升，溫服一升，日三服，不差更服。

橘枳生薑湯

肘後千金治胸痺胸中悞悞如滿噎塞習習如痒喉中燥澁唾沫

橘皮 一觔

枳實 三兩

生薑 半觔

右三味，以水五升，煮取二升，分溫再服。

平人無寒熱，短氣不足以息者，實也。

此短氣當分虛實也。但見胸痺心痛，腹疼，諸疾而無外熱，表證謂之平人。即小邪中裏相挾，痰食氣壅，故短氣不足以息而爲實證。若非胸痺外邪痰

食壅滯之因卽是七情內損短氣氣不歸源之虛  
勞難治證也

論曰脉取陰弦爲太過陽微爲不及乃陽微陰盛  
之邪爲本所以寸口脉沈而遲是陽虛受寒而爲  
虛證或陽氣不至虛甚邪正相搏則關上脉見小  
緊而數乃爲寒實之脉矣若寒痺於肺則喘息欬  
唾胸背痛而短氣用括萋薤白酒潤肺行陽而  
治其實若偏客於心則不得臥而心痛徹背或心  
氣滯而不行脾濕生痰以前湯加半夏消痰下逆  
或風客脾胃相挾濁濕上逆而痺則心下痞留氣

結在胸，以枳實薤白桂枝湯下逆，開痞而驅風，挾肝氣上逆於胸，則胸滿，脇下逆搶心，以人參理中湯溫胃養正，若挾腎寒痺於心之脈絡，緩急而痛，用附子薤苳驅寒燥濕而舒筋脈，或心下痞，諸逆心懸痛而挾五臟厥心痛者，以桂枝生薑枳實下逆而和營衛，驅風爲總法。若痺胸間，肺氣不得下達，用茯苓杏仁甘草橘枳生薑湯宣順肺氣下行，或寒客直犯心包而心痛徹背，背痛徹心，卽以烏頭赤石脂丸大熱補陽而散寒，然邪痺於胸則一但有虛實風寒五臟厥逆不同，當隨證而治，故分

全明要略卷九  
胸痺心痛短氣諸門爲要領也

張仲景金匱要略卷九 終



張仲景金匱要畧卷十

構李沈明宗目南甫編訂

腹滿

跌陽脉微弦、法當腹滿、不滿者、必便難、兩胫疼痛、此虛寒從下上也、當以溫藥服之、

此診跌陽而明腹滿之寒熱也、腹滿之病、其邪木、乘脾胃者、多若挾心相風、火則成濕、熱而爲實滿、  
或挾腎寒、反侮則爲虛滿矣、然脾與胃爲表裏、診跌陽胃脉、則能定其脾之虛實、寒熱、但脉微者、是脾胃之陽微、弦乃肝邪乘於脾胃、腎寒相隨、肝氣

上逆卽臍寒生滿病之義故當溫藥服之或不滿者脉必弦數乃挾心相未乘脾胃與腎寒上逆不同本經氣滯故作便難兩胫疼痛又當涼利之治矣

寸口脉弦者卽脇下拘急而痛其人嗇嗇惡寒也

此邪入厥陰陽證似陰也寸口脉弦肝家邪盛鬱於本經故脇下拘急而痛然厥陰氣不外達衛氣亦鬱於內皮毛自失護衛之氣所以嗇嗇惡寒卽內真熱而外假寒此厥陰經本病也

夫中寒家喜欠其人清涕出發熱色和者善噫

此肺經受寒現證也。經謂陰氣積於下，陽氣未盡，陽引而上，陰引而下，陰陽相引，故數欠也。此肺胃虛而受寒，陰盛相引，喜欠而清涕出，邪氣在表，以故發熱，因不涉肝風。主病而無色可徵，故色和善噫。

中寒其人下利，以裏虛也。欲噫不能，此人肚中寒，云一痛。

此脾經受寒現證也。寒中太陰，陰寒濕盛，陽虛不固，其人下利，但通多不足，故爲裏虛。蓋陽和則噫，而欲噫不能，乃陰寒凝滯於裏，所以肚中痛也。

腹滿時減復如故此爲寒當與溫藥

此虛寒腹滿之辨也陽氣或運如常滿則時減而陽虛終無恒期勝陰陰復勝陽則滿復如故不似實熱常滿減不足言之比是屬虛寒當以溫藥補陽散寒廼爲定法

病者痿黃燥而不渴胸中寒實而利不止者死

此脾陽氣虛猶如陰黃是也脾胃陽氣不足腎寒反侮於脾壅滯脾氣臟真散越於外故病痿黃卽黧淡而黃也寒濕留中燥而不渴爲胸中寒實若中下二焦陽氣下脫則利不止故主死也

病者腹滿按之不痛屬虛者著黃自去  
下者下之黃自去

此以手按辨腹滿虛實也按之不痛內無痰食燥屎壅滯即知虛寒而滿當以溫藥若按之痛乃以好手而就內結食痰燥屎則知內實是可下之而又以舌黃驗定虛實若舌有黃胎即是濕熱內蒸為實未經下過必須下之則黃自去而脹滿自除舌無黃胎是近虛寒又非下法矣

腹滿不減不足言當須下之宜大承氣湯

方見症病中

此實滿之方也腹滿晝夜不減為實時或雖減亦

不足爲減。曰減不足言。非似虛滿時減復如故也。  
然邪正氣實猶如兩國相持。終有一敗。惟恐正氣  
垂絕。故宜大承氣湯。峻滌其邪耳。

病腹滿發熱十日。脉浮而數。飲食如故。厚朴七物湯  
主之。

此有表證腹滿也。發熱十日之久。脉尚浮數。當責  
風邪在表。然風氣內通於肝。肝盛乘胃。故表見發  
熱而內作腹滿。風能消穀。卽能食而爲中風。所以  
飲食如故。用小承氣。蕩滌腸胃之熱。桂甘薑棗。調  
和營衛而解在表之風耳。

厚朴七物湯

厚朴

半觔

甘草

三兩

大黃

三兩

大棗

十枚

枳實

五枚

桂枝

二兩

生薑

五兩

右七味以水一斗煮取四升溫服八合日三服。○  
嘔者加半夏五合。○下利去大黃。○寒多者加生  
薑至半觔。

論曰腹滿之病乃脾胃爲總司風木爲轉運之樞  
而木挾腎中陰寒臨土則寒濕而爲寒滿若挾心  
相而乘脾則濕熱所司是爲熱滿矣或木不乘土  
而脾濕自病病輕易治故本經以趺陽脉微弦爲

腹滿

寒滿發熱十日脉浮數飲食如故而爲熱滿又以按之不痛爲虛痛者爲實時減復如故爲虛減不足言爲實誠爲察病之兩大法門也

腹痛

痛而閉者厚朴三物湯主之

此以暴病閉者爲實而出方非久病之疾若痛屬虛寒陽虛不固則當下利然通多不足閉多有餘此痛而閉者不必審其邪之寒熱但責邪壅氣滯爲實故用厚朴大黃枳實三物專攻壅實之邪取通則下痛之



厚朴三物湯

厚朴 八兩

大黃 四兩

枳實 五枚

右三味，以水一斗二升，先煮二味，取五升，內大黃，煮取三升，溫服一升，以利爲度。

按之心下滿痛者，此爲實也。當下之，宜大柴胡湯。此驗上實治法也。心下卽胃之上脘，若按之心下滿痛，乃胃中邪熱食壅，則當下之。但邪居上脘，稍連於表，表裏兩持，攻發難施，故用大柴胡湯，使上邪還從表出，內邪從下而出，輕圓活潑之妙耳。

大柴胡湯

柴胡

半觔

黃芩

三兩

芍藥

三兩

半夏

半升洗

枳實

四枚炙

大黃

二兩

大棗

十二枚

生薑

五兩

右八味以水一斗二升，煮取六升，去滓，再煎，溫服一升，日三服。

心胸中大寒痛，嘔不能飲食，腹中寒，上衝皮起，出見有頭足，上下痛而不可觸近，大建中湯主之。

此心胃受寒，引動下焦陰氣上逆而痛也。中上二焦氣虛受寒，故心胸中大寒痛，寒邪引動下焦陰氣而挾衝脈上逆，則痛嘔不能飲食，故上衝皮起，出見似有頭足之狀，即內經按之喘動，應手之類。

也。邪氣充斥三焦而爲寒實，故上下痛而不可觸。近方用人參膠飴乾薑，建其中氣而溫散胸膈之寒。蜀椒能達濁陰下行，俾胃陽充而寒散痛止。此非腎經虛寒直中，故不用桂附回陽耳。

### 大建中湯

蜀椒

二合炒去汗

乾薑

四兩

人參

一兩

右三味以水四升，煮取二升，去滓，內膠飴一升，微火煎取一升半，分溫再服。如一炊頃，可飲粥二升，後更服。當一日食糜粥，溫覆之。

腹中寒氣，雷鳴切痛，胸膈逆滿嘔吐，附子粳米湯主

之

此外寒挾木乘於脾胃而痛也。外邪以挾內寒，侵於腸胃，邪正相搏，氣鬱不通，痰飲阻塞，則雷鳴切痛，胸脇逆滿，嘔吐然。陰邪上僭，中上陽氣必虛，惟恐胃陽隨其嘔吐而脫，故用甘棗粳米補胃崇土，攔阻陰邪不復上干，專藉附子補陽散寒，逐陰下行。半夏消痰下逆，而止嘔吐。

附子粳米湯

附子

一枚

半夏

半升

甘草

一兩

大棗

十枚

粳米

半升

石五味以水八升煮米熟湯成去滓溫服一升日  
三服

論曰內經痛有寒氣客於腸胃之間膜原之下者  
客於衝脉者客於厥陰之脉者客於陰股者客於  
小腸膜原之間者客於五臟者厥逆上出痛而嘔  
者痛而後泄者皆由寒邪所致惟熱氣留於小腸  
腸中痛痺熱焦渴堅乾不得出痛閉而不通者是  
屬風熱矣然腹痛雖一所感不同金匱以補寒熱  
二方之妙謂痛而閉者按之心下滿痛者爲實熱  
用厚朴三物大柴胡等湯逐邪下出謂心胸中大

寒痛嘔不能飲食、腹中寒、上衝皮起、出見有頭足、  
上下痛而不可觸近、腹中寒氣雷鳴切痛、胸膈逆  
滿嘔吐爲寒、用大建中、附子粳米湯、溫補散邪、觀  
此二義、真爲後學入室之階梯、但本經凡病、僅言  
風寒、不言暑濕燥火、何也、蓋以寒濕燥屬陰、同類  
以濕燥統於寒、下風暑火屬陽、同類以火暑統於  
風、下所以僅舉風寒二大法門、不言濕燥火暑之  
繁也、

### 寒疝

夫瘦人、遶臍痛、必有風冷穀氣不行、而反下之、其氣

必衝不衝者心下則痞

此互風寒爲痛卽寒疝之類也。疫人是無濕痰壅滯乃肝腎之氣偏勝相招外邪乘於脾胃大腸之間相依腸中正氣盤遶故遶臍痛爲有風冷然邪逆脾胃不和則穀氣不行要知胃氣已自先餒而反下之誅伐無過胃中元氣又傷風邪擾挾肝腎之氣上逆所以其氣必衝設不衝者是非風邪乃寒濕相挾搏聚心下則爲心下痞卽內經環臍而痛風根之變證也。

脇下偏痛發熱其脉緊弦此寒也以溫藥下之宜大

黃附子湯

此邪入肝經爲偏脇痛也。脇下乃肝胆經絡所過之地。寒客厥陰經之一邊。營血不利。則脇下偏痛。然肝氣逆而胆氣亦逆。則痛而發熱。脈緊爲寒。弦屬厥陰寒實。故用附子細辛正陽而散風寒。蓋肝膽乃無出入。此用大黃乃使厥陰之邪借從胃腑而出。則偏痛立止。雖一寒熱並行。是不相悖也。

大黃附子湯

大黃

三兩

附子

三枚  
炮

細辛

二兩

右三味以水五升煮取二升分溫三服。若強人煮



取二升半分溫三服服後如人行四五里進一服  
寒氣厥逆赤九主之

此治心胃寒鬱之方也寒氣內客鬱遏胃陽不行  
於四肢故致厥逆用烏頭細辛善驅在裏寒風茯苓  
參濕助半夏消痰而和脾胃以真朱爲色者卽  
硃砂爲衣取其護心而鎮逆也

赤丸

茯苓

四兩

半夏

四兩

烏頭

二兩

細辛

一兩

右四味末之內真朱爲色煉蜜丸如麻子太先食  
酒下三丸日再夜一服不知稍增之以知爲度

腹滿

滿當作痛

脈弦而緊，弦則衛氣不行，卽惡寒，緊則不

欲食，邪正相搏，卽爲寒疝。寒疝遶臍痛，若發則自汗

自汗

出，手足厥冷，其脈沈緊者，大烏頭煎主之。

此寒疝脈證也。肝腎素虛而受風寒，木盛傳脾，故腹痛而脈弦緊。然弦緊屬陰，陰凝陽鬱，衛氣不行，則惡寒，緊乃寒入血分爲實，乘胃則不欲食，反侮大腸，邪正相搏，則繞臍痛，內無形狀，邪屬肝經，故爲寒疝。衛陽氣虛，發則自汗出，而手足逆冷，然寒風內鬱，脈必沈緊，故以烏頭能行臟腑十二經絡，燥濕行陽，而驅寒風外出，入蜜以調脾胃而制烏

頭之毒也

烏頭煎

烏頭

大者五枚熬去皮不必咀

右以水三升煮取一升去滓內蜜二升煎令水氣盡取二升強人服七合弱人服五合不差明日更服不可一日再服

寒痲腹中痛及脇痛裏急者當歸生薑羊肉湯主之此連衝脉爲痲治當溫補也肝木受邪乘脾則腹中痛本經之氣不疏故脇亦痛連及衝脉則裏急矣所以當歸補養衝任而散風寒羊肉溫補營衛

之氣、俾邪散而痛自止、方後云、痛多而嘔、乃肝氣上逆、臨胃、故加橘木補之、

當歸生薑羊肉湯

當歸 三兩

生薑 五兩

羊肉 一觔

右三味、以水八升、煮取三升、溫服七合、日三服、若寒多者、加生薑成一觔、痛多而嘔者、加橘皮二兩、白朮一兩、加生薑者、亦加水五升、煮取三升、二合服之、

寒疝腹中痛、逆冷手足不仁、若身疼痛、灸刺諸藥不能治、抵當烏頭桂枝湯主之、

此寒痼而兼表也。肝受寒風，乘尅脾胃，故腹中痛。鬱遏營衛，不行於四肢，則逆冷而手足不仁。但身疼痛，是兼三陽表邪，所以灸刺諸藥不能治。惟用烏頭溫散臟腑之寒風，桂枝湯和營衛而散表邪。方後云：如醉狀得吐者，風欲上出，寒從汗出，卽中病矣。

烏頭桂枝湯

烏頭

右一味，以水二升，煎減半，去滓，以桂枝湯五合解煎之。恐是之，令得一升後，初服二合，不知卽服三合，又

不知復加至五合其知者如醉狀得吐者爲中病  
桂枝湯

桂枝

三兩  
去皮

芍藥

三兩

甘草

二兩

生薑

三兩

大棗

十二枚

右五味剉以水七升微火煮取三升去滓

其脉數而緊乃弦狀如弓弦按之不移脉數弦者當  
下其寒脉緊大而遲者必心下堅脉大而緊者陽中  
有陰可下之

此補上條痼病脉證不一當辨風寒虛實而施治  
法也脉數而緊乃弦者是緊脉而帶弦乃寒邪而

兼風也。狀如弓弦，按之不移，卽弦脉而帶緊，乃風邪而兼寒也。皆由肝風腎寒，乙癸同源，風寒兩傷，互相致疝。邪正兩實之證矣。脉數而弦，乃陰陽邪正有餘，當下其寒，寒卽外邪也。若緊大而遲，乃陽氣虛而陰寒邪實，上逆挾痰凝結於中，故心下堅，卽當溫補之法治之。但大爲陽緊爲陰，是陰陽俱盛，爲陽中有陰，所以緊弦數弦皆可下之矣。論曰：經謂任脉爲病，男子內結七疝，乃而分爲病也。督脉爲病，少腹上衝心痛，不得前後，爲衝疝者，風之爲病也。邪客足厥陰之絡，令人卒疝暴痛者。

燥。淫。所。勝。也。肝。所。生。病。爲。狐。疝。丈。夫。癘。疝。者。風。濕。  
流。於。筋。也。三。陽。爲。病。發。寒。熱。傳。爲。癩。疝。乃。子。母。相。  
乘。之。病。也。足。陽。明。筋。病。癘。疝。腹。筋。急。者。濕。熱。流。筋。  
之。合。病。也。心。脉。急。而。病。名。心。疝。少。腹。當。有。形。乃。心。  
移。寒。於。小。腸。也。心。脉。微。滑。爲。心。疝。引。臍。小。腹。鳴。者。  
心。移。風。於。小。腸。也。肝。脉。滑。甚。爲。癘。疝。風。之。爲。病。也。  
脾。脉。微。大。爲。疝。氣。風。熱。爲。病。也。滑。甚。爲。癘。癘。者。風。  
入。於。血。也。澹。甚。爲。腸。癘。者。脾。移。濕。於。腸。也。微。澹。爲。  
內。癘。者。濕。邪。盛。也。多。下。膿。血。者。腸。澹。之。類。也。腎。脉。  
滑。甚。爲。癘。癘。者。風。濕。傳。於。腎。也。陽。明。司。天。丈。夫。癩。



疝婦人少腹痛者燥淫所勝於肝也而婦人無  
丸可徵故少腹腫痛則爲疝矣太陰在臍者濕流  
於下也太陽在臍皆爲疝少腹控掣引腰脊上衝  
心者寒淫所勝也少腹控掣引腰脊上衝心邪在  
小腸連鞏系屬於脊者寒勝移於腑也以上諸條  
總不出風寒六邪侵入少腹氣血有形而爲總司  
靈素盡之本經故不再陳而獨補其脈與風寒入  
於肝腎無形而痛者爲寒疝但有表裏傳乘之變  
如瘦人繞臍痛乃風乘大腸之病也腹痛脈弦而  
緊者寒風乘脾也腹中痛及脇痛者肝脾俱病也

腹中痛逆冷手足不仁者表裏皆病也用烏頭煎當歸生薑羊肉烏頭桂枝諸湯總屬溫經散邪而爲大法又分脈數弦者爲風寒肝腎內實而當下脈緊大而遲者爲陽虛陰盛而當溫脈大而緊者爲陰陽邪正俱盛陽中有陰而寒實疝證繁多是非一言可盡欲求其備當與內經金匱合參則備

附方

外臺烏頭湯治寒疝腹中絞痛賊風入攻五臟拘急不待轉側發作有時使人陰縮手足厥逆上方見風寒內入肝腎乘侮於脾腹中絞痛而賊風傷於

五臟皆可致病。故謂入攻五臟邪入於經則拘急。不得轉側。由肝脈循陰器使人陰縮。乘鬱胃氣不伸。手足厥冷。故用烏頭驅散臟腑風寒。恐其過燥。急烈以蜜和中而潤之。

外臺走馬湯治中惡心痛腹脹大便不通。

中惡之證俗謂絞腸烏痧。卽臭穢惡毒之氣直從口鼻入於心胸腸胃臟腑壅塞正氣不行。故必痛。腹脹大便不通。是爲實證。非似六淫侵入而有表裏虛實清濁之分。故用巴豆極熱大毒峻猛之劑。急攻其邪。佐杏仁以利肺與大腸之氣。使邪從後

陰一掃盡除則病得愈。若緩須臾正氣不通營衛陰陽機息則死。是取通則不痛之義也。

巴豆

二枚去皮心熬

杏仁

二枚

右二味以綿纏槌令碎熱湯二合捻取白汁飲之當下老小量之通治飛尸鬼擊病

外臺柴胡桂枝湯治心腹卒中痛者

心腹卒中痛者由風邪乘侮脾胃者多而風氣適於肝故用柴胡桂枝提肝木之氣驅邪外出白芍以疎土中之木甘草人參調養脾胃之氣以平夏消痰黃芩能清風化之熱薑棗宣通營衛俾微汗

鬱不行以致未病先食之物停攔而不傳化曰脉  
緊頭痛風寒腹中有宿食不化不必消食但行解  
表散邪食自化矣嘗見時流一遇感冒不別證之  
表裏胃之虛實發表劑中雜投消導先虛胃氣邪  
陷致劇病死不收曷勝悲夫

論曰飲食於胃全賴胃氣充和脾胃純粹則無停  
攔之患若傷脾胃氣血津液而食不傳化則病宿  
食矣所以金匱以寸口脉浮而大按之反澹尺澹  
而澹乃辨氣盛血虛之診脉數而滑而實氣壅之  
徵一實一虛而示氣血虛實致病之因也脉紫轉

索無常。乃寒食傷於胃。下利不飲食者。因食而致。利宿食在上脘者。邪實於上也。然宿食在胃。則一當分氣。血虛實寒熱表裏上下。而爲治病之常。但脉緊頭痛。是因風寒鬱遏表氣。以致內食不行。不可與宿食同論。本經雖有承氣瓜蒂吐下諸法。若稍涉虛者。必以補衛養營而兼化滯。則圓機在。我慎勿膠柱鼓瑟而治病也。